

古

謠

諺

古謠諺卷二十九

秀水杜文瀾輯

酈道元引俗諺釋清泉河

水經注濕水魏氏土地記曰清泉河上承桑乾河

東流與潞河合濕水東入漁陽所在枝分故俗

諺云云蓋以高粱微涓淺薄裁足津通馮藉

涓流方成川明清泉至潞所在枝分更爲微津
散漫難尋故也

高粱無上源清泉無下尾

又引古諺釋南北呀

水經注漾水開山圖曰漢陽西南有祁山谿徑透

迤山高巖嶮漢水又西南與申

項氏細云宋本作甲谷水

合水出西南申谷東北流注漢水漢水又西逕

南呀

項氏細云原作岸宋本作呀蓋傳寫之誤今改正

北中呀之上下

有二城相對左右墳隴低昂亘山被阜古語

項氏

細云一作諺云

諸葛亮表言祁山縣出租五百

項氏細云宋本云祁山縣去沮五百里

有民萬戶矚其邱墟信爲

殷矣

南岬北岬萬有餘家

泗上求鼎謠

水經注

泗水

周顯王四十二年九鼎淪沒泗淵秦

始皇時見於泗水始皇大喜使數十人入水求

之一絲未出龍噉斷其口故泗上謠曰

按謠字本作語

今據廣博物志

卷三十九改

稱樂太早絕鼎絲

絲字原作系據廣博物志改

澇灘淨灘諺

水經注

汙水

漢水又東謂之澇灘冬則水淺而

下多大石又東爲淨灘夏水急盛川多湍洑行

旅苦之故諺曰

云言二灘阻礙

冬澇夏淨斷官使命

樊陂嘯

水經注消湖水枝分東北爲樊氏陂陂東西十

里南北五里俗謂之凡亭陂東有樊氏故宅樊

氏旣滅庾氏取其陂故嘯曰

陂汪汪下田良樊子失業庾公昌

後漢書樊宏傳注子與公皆作氏

頭灘行者歌

水經注

江水二

江水又東流頭灘注云其水竝浚

激奔暴魚鼈所不能游行者常苦之其歌曰

云

云袁崧曰自蜀至此下水五日上水百日也

灘頭白勃堅相持條忽淪沒別無期

湘川鮫者歌

水經注

湘水

衡山東南二面臨映湘川自長沙至

此江湘七百里中有九背故鮫者歌曰

帆隨湘轉望衡九面

項氏細云羅含湘中記云衡山九疑皆有舜廟遙望衡山如陣雲沿

湘千里九向九背乃不復見按此注所引鮫歌九面正與轉字相叶卽羅含九向之義宋本自誤作九同耳

橘洲謠

水經注湘水北過臨湘縣西注云縣南有石

潭山湘水逕其西山有石室石牀臨對清流

丈北逕昭山西山下有旋泉深不可測故言昭

潭無底也亦謂之曰湖州潭湘水又北逕南津

城西西對橘洲謠曰

按謠曰二字原本無今據御覽卷六十九補爲

南津洲尾水西有橘洲子成故郭尙存駢字類編卷七

十五引錄異記昭潭山下有寒泉水深不測名

曰昭潭謠曰云云昔人覆舟於此沈其銅甌甌

有名題後於洞庭湖得

之疑其潛穴相通耳

昭潭無底橘洲浮

漢末童謠

水經注

漸江水

浙江又逕永興縣南縣在會稽東

北一百二十里也闔閭弟夫槩之故邑也王莽

之餘衍也漢末童謠云

云

故孫權改曰永興

天子當興東南三餘之間

輿地紀勝卷四東上有於字

武陵綠蘿山土人歌

水經注逸文

據廣博物志卷五

武林綠蘿山素巖若雪

松如插翠流風叩阿有絲桐之韻土人歌曰

御覽

卷五百七十二黃開武陵記有綠蘿山側岩懸
水綠蘿百里許得明月池碧潭鏡徹百尺見底
素岩若雪
松如插翠

仰茲山兮迢迢層石構兮嵯峨朝日麗兮陽巘落景梁
兮陰阿鄣壑兮生音吟籟兮相和敷芳兮綠林恬淡兮
潤波樂茲潭兮安流緩爾櫂兮咏歌

楊慎引諺驗反照

山海經補注

西山經

長留之山其神白帝少昊居

之主司反景注云日西入則景反東照故曰反
景楊雄賦所謂倒景也尙書宅西曰昧谷寅饒

納日屬之仲秋蓋倒影反照在秋爲多其變千

狀有作胭脂紅者諺所謂云也

日沒胭脂紅無雨必有風

田家五行志云日沒返照主晴俗名爲日返塢一云云云

或問二候相似而所主不同何也老農云返照在日沒之前胭脂紅在日沒之後不可不知也

巴東三峽漁者歌

宜都山川

記山川二字原本無據御覽卷九百十所引增

自黃牛灘

東入西陵界至峽口一百許里山水紆曲林木

高茂猿鳴至清山谷傳響泠泠不絕行者聞之

莫不懷土故漁者歌云

巴東三峽巫峽長猿鳴三聲淚沾裳

丹鉛雜錄卷七鳴作啼爾雅翼卷

二十作哀猿三聲斷人腸

巴東三峽猿鳴悲猿鳴三聲淚沾衣

案原本敘述甚略且僅載後一歌今以樂府詩集卷

八十六所引參訂

周必大引俗諺

吳郡諸山錄至太平州兩岸多民居溪流不甚

濶稍前卽永豐圩夜泊黃池鎮距固城湖已百

一十里而商賈輻輳市井繁盛俗諺有二三不如

謂云也

太平州不如蕪湖不如黃池

按上言三不如此
僅有一必有脫文

時人爲嶽麓書院諺

嶽麓舊志嶽麓負衡荆湘至宋開寶郡守荆建
書院以待四方學者教化於是大行咸平中山
長周式真宗召見授國子主簿詔使歸院主教
賜嶽麓書院之額於是書院之盛遂甲於天下
南渡以兵火廢乾道改元湖南安撫劉珪復創
新院延請張南軒主教事紹熙五年晦菴安撫

湖南興學嶽麓更建書院於爽塏之地學者雲集至千餘人時有諺云

道林三百衆書院一千徒

萬厯癸未鎮江鐵塔謠

北固山志卷二建置門鐵塔在山頂之東北隅唐寶

厯間李德裕建乾符中燬宋元豐中節度使裴

璩重建明萬厯癸未童謠云云是年塔頽僧

性成功琪重修原注見縣志

風吹鐵寶塔水淹京口閘

陳洄泛月扣舷歌

山樓志竹溪逸民所居近大溪篁竹脩脩然生

當明月高照水光潋灩輒吹短簫乘水舫簫聲

宛轉若龍鳴深泓簫已扣舷歌曰

云人以爲

世外人

吹玉簫兮弄明月明月照兮頭成雪頭成雪兮將奈何

白鷺起兮衝素波

閩鄉秦山謠

名勝志謠云

云

與太華相連

一統志卷一百三十四陝州秦

山在閿鄉縣南三十里元和志秦山一名秦嶺
高二千丈周三百里南入商州西南入華州界
秦爲頭號爲尾

京師爲瑤光寺尼語

洛陽伽藍記

卷一

瑤光寺世宗宣武皇帝所立講

堂尼房五百餘間椒房嬪御學道之所掖庭美人
並在其中亦有名族處女性愛道場落髮辭
親來依此寺屏珍麗之飾服修道之衣投心八
正歸誠一乘永安三年中爾朱兆入洛陽縱兵
大掠時有秀容胡騎數十人入寺淫穢至此後

頗獲譏誚京師語曰

洛陽女兒急作髻瑤光寺尼奪女壻

學津討源本上女字作男下女字作

作

京師爲青州刺史謠語

洛陽伽藍記

卷二

太傅李延實者莊帝舅也永安

中除青州刺史臨去奉辭帝謂實曰懷輒之俗

世號難治舅宜好用心副朝廷所委時黃門侍

郎楊寬在帝側不曉懷輒之義私問舍人溫子

昇曰聞至作青州刺史問其賓客從至青州云

齊土之民風俗淺薄虛談高論專在榮利太守
初欲入境皆懷軫叩首以美其意及其代下還
家以軫擊之言其向背速於反掌是以京師謠
語曰云懷軫之義起在於此也

獄中無繫囚舍內無青州假令家道惡腹中不懷愁廣記
卷四百九十
三腹作腸

京師爲伊洛魚語

洛陽伽藍記卷三洛水上南北兩岸門巷修整閭
闔填列別立市於洛水南號曰四通市伊洛之

魚多於此賣士民須膾皆詣取之魚味甚美京

師語曰埤雅卷一蓋鮓魚雖等美而緣水之異則有優劣故里語曰云云言洛以渾深

宜鯉伊以清淺宜鮓也

伊洛鯉鮓學津討源本作洛鯉伊鮓埤雅及酉陽雜俎卷十六廣博物志卷四十八風雅逸篇卷

八引詩疏並作洛鯉伊鮓貴於牛羊

京師爲白馬寺甜榴語

洛陽伽藍記卷四白馬寺奈林蒲萄異於餘處枝

葉繁衍子實甚大奈林實重七斤蒲萄實偉於

棗味並殊美冠於中京帝至熟時常詣取之或

復賜宮人宮人得之轉餉親戚以爲奇味不敢

輒食乃歷數家京師語曰

白馬甜榴一實直牛

孔帖卷九十九引伽藍記實作石西陽雜俎卷十六潛確類書卷

一百二引鄴中記直作值

游俠爲白墮酒語

洛陽伽藍記卷四洛陽大市西有退酤治觴二里

里內之人多醞酒爲業河東人劉白墮善能釀

酒魏曠閒評卷三洛陽伽藍記載河東劉白墮善釀所謂白墮者當是其名然殊無意義疑

斯人既白而且大故閭里呼爲白大如所謂黑閨相似黑閨本是黑獺譌爲黑閨耳閨里之名

鄙俗不可以理測有如此者

季夏六月時暑赫曦以鬯貯酒

曝於日中經一旬其酒不動飲之香美醉而經月不醒永熙年中南青州刺史毛鴻賓齎酒之藩路逢劫賊盜飲之即醉皆被擒獲因此復爲擒奸酒游俠語曰

不畏張弓拔刀

潛確類書卷九十五拔刀作挾

唯畏白墮春醪

酒譜畏

作思

秦民爲河間王婢朝雲語

洛陽伽藍記

卷四

河間王琛有婢朝雲善吹簫能

爲團扇歌壘上聲琛爲秦州刺史諸羌外叛屢
討之不降琛令朝雲假爲貧嫗吹簾而乞諸羌
聞之悉皆流涕迭相謂曰何爲棄墳井在山谷
爲寇也卽相率歸降秦民語曰

快馬健兒不如老嫗吹簾

魏時人爲上高里歌

洛陽伽藍記

卷五

洛陽城東北有上高里殷之頑

民所居處也高祖名聞義里遷京之始朝士住
其中迭相譏刺竟皆去之唯有造瓦者止其內

京師瓦器出焉世人歌曰

洛陽東北上高里殷之頑民昔所止今日百姓造甕子
學津討源人皆棄去住者恥
本甕作食

范式墓諺

城塚記范山在嘉祥縣南相傳范巨卿家其下
巨卿墓在大鼎山前距此山十里今湮沒墓碑
移置州學內諺曰

大鼎山前十八塚末末東頭范巨卿

古謠諺卷二十九終

古謠諺卷三十

秀水杜文瀾輯

人爲許晏諺

陳畱風俗傳逸文

據御覽卷四百九十六

許晏字偉君授

魯詩於琅瑯王政學曰許氏章句列在儒林故

諺曰

殿上成羣許偉君

案說郛卷六十一列陳畱風俗傳未載此條今據御

覽錄之

猴頭羹諺

臨海異物志逸文

據御覽卷四
百九十六

安家夷皆好噉

猴頭羹諺言

御覽卷七百八十四引
臨海水土志作俗言

人甯負人千石之羹不願負人猴頭羹臠

御覽卷七百
八十五上句

作甯自負人
千石之粟

檳榔俗語

臨海異物志逸文

據齊民要術卷十及
御覽卷九百七十五

古賁灰

牡蠣灰也與扶留檳榔三物合食然後善也扶

留藤似木防己扶留檳榔所生相去爲物甚異

而相成俗曰

檳榔扶畱可以忘憂

楊桃諺

臨海異物志逸文

據齊民要術卷十及廣博物志卷四十三楊桃似

橄欖其味甜五月十月熟諺曰

云

其色青黃

核如棗核

楊桃無賊一歲三熟

案說郛卷六十一列臨海異物志未載此三條今據齊民要術及御覽廣博物志錄之

木奴諺

北戶錄逸文

據侯鯖錄卷四諺齊民要術曰云

蓋言

果實可以市易五穀

木奴千無凶年

鮑氏延博云諸本千下有樹字

案說郛卷六十三列北戶錄未載此條今據侯鯖錄錄之

瓊振二州人嘯

嶺表錄異記逸文

據御覽卷九百

自瓊至振多溪澗澗

中有石鱗次水流其間或相去二三尺逼似天

設可躡之而過或有乘牛過者牛皆從斂四蹄
跳躍而過或失則隨流而下見者皆以爲笑彼
人嘖曰

跳石牛骨碌好笑又好哭

通俗編卷三
十四石作礪

案說郛卷六十七列嶺表錄異記未載此條今據御
覽錄之

張翰秋風歌

中吳紀聞

卷三

東晉張翰吳人仕齊王問不樂居

其官一日在京師見秋風忽起因作歌曰

云

云

遂棄官而還

秋風起兮佳景時

歲華紀麗卷三作木葉飛

吳江水兮鱸正肥三千

里兮家未歸恨難得兮仰天悲

歲華紀麗難得作禁難

大觀中姑蘇小兒唱

中吳紀聞

卷六

姑蘇蓋自長慶以來更七代三百

年吳人死不見兵革大觀中樞密章公之子繼

爲蔡京誣以盜鑄詔開封尹李孝壽卽吳中置

獄遣甲士五百圍其家又遣三御史蕭服沈畸

姚

自注忘其名

重案其至也人皆自門隙中窺之不

敢正視識者已知非太平氣象故其後有建炎
之禍方章氏事未覺時城中小兒所在羣聚皆
唱云云莫知其由已而三御史果至

沈逍遙

桂林古諺

桂海虞衡志癸水桂林有古諺

原本諺作記據古諺間譚卷四

改父老傳誦之略曰

云

癸水灘江也

癸水繞東城永不見刀兵

周去非引南人言論餘甘獐肉

古謠諺

卷三十

曼陀羅華閣

嶺外代荅

卷八

南方餘甘子風味過於橄欖雖腐

尤堅脆可以比德君子南人有言曰

云

其說

蓋二物忽然有異則餘甘熟一時頃而復生獐

肥一日而復瘦也欽州靈山縣一士人姓甯其

大父一日往山間忽見餘甘徧山如來禽紛熟

飽餐快甚須臾便復青脆袖中猶攜數熟餘甘

歸以示閭里至傳爲異事

餘甘一時熟獐一日肥

杭人爲西湖諺

武林舊事

卷三

西湖天下景朝昏晴雨四序總宜

杭人亦無時而不游而春游特盛焉日糜金錢

靡有紀極故杭諺有

云

之號此語不爲過也

銷金鍋兒

餛飩餸飩諺

武林舊事

卷三

冬至三日之內店肆皆罷市垂簾

飲博謂之做節享先則以餛飩有

云

之諺

冬餛飩年餸飩

劍南詩藁卷三十八歲首書事詩自注餸飩作餽

搗搯諺

武林舊事

卷六

小經紀播搥自注云俗諺云

云

云

以三十萬家爲率大約每十家日喫播搥一分

合而計之則三十丈矣

癸辛雜識續集卷上余向在京幕聞吏魁云杭

城除有米之家仰糴而食凡十六七萬人以二升計之非三四千石不可以支一日之用而南北外二廂不與焉客旅之往來又不與焉

杭州人一日喫三十丈木頭

吳自牧引杭人諺論日用

夢梁錄

卷十

諺云

云

杭之日用是也

朱氏彭

蹟考卷上云二老堂雜志臨安士人諺云云蓋東門絕無居民彌望菜圃西門則引水注城

中以水舟散給坊市嚴州富州富陽之柴聚
於江干由南山入蘇湖米則來自北關云

東菜西水南柴北米

二老堂雜志東西
南北下均有門字

又引俗諺論善惡

夢梁錄

卷十八

杭城富室數中有好善積德者多

是恤孤念苦敬老憐貧俗諺云

云

天之報善

罰惡捷於影響世人當以此爲鑒也

作善者降百祥天神佑之作惡者降千災鬼神禍之

學津

討源本下降字
作賜禍作譴

又引俗諺論宴會

夢梁錄

卷十

凡官府春宴或鄉會遇鹿鳴宴文

武官試中設同年宴及聖節滿散祝壽公筵官

府各將人吏差撥四司六局人員督責各有所

掌無致苟簡或府第齋舍亦於官司差借執役

如富豪士庶吉凶筵席則顧喚局分人員俱可

完備如帳設司茶酒司一名賓客司廚司臺盤

司果子局蜜餞局菜蔬局油燭局香藥局排辦

局蓋四司六局等人祇直慣熟不致失節省主

者之勞也欲就名園異館寺觀亭臺或湖舫會

賓但指揮局分立可辦集皆能爲儀俗諺云

云

云若有失節者是祇役人不精故耳

燒香點茶挂畫插花四般閒事不宜累家

陸友仁引吳農諺論占年

吳中舊事

卷一

吳農忌五月甲申乙酉雨則大小

麥不收諺云

甲申猶自可乙酉怕殺人

明詩綜卷一百猶作九人作我 又云按二語宋時卽有

之見范石湖詩注而江南至今傳之卻成亡國之讖

葉少蘊引吳人俚語

古諺

卷三十

曼陀羅華閣

吳中舊事

卷一

葉少蘊言吳人俚語若

云

雖鄙

亦甚有理

等人易得久曠人易得醜

蘇州除夕羣兒呼語

平江記事吳人自相呼爲猷子又謂之蘇州猷

每歲除夕羣兒繞街呼叫云

云

蓋以吳人多

猷兒輩戲謔之故耳

賣癡猷千貫賣汝癡萬貫賣汝猷見賣儘多送要賒隨

我來

元延祐中太倉民謠二則

平江記事元貞初升崑山縣爲州州治去府七十二里延祐中多治太倉未移之先太倉江口

打碗子花子遍地盛開民謠云

云

云遷移之後

常有鼠郎出沒廳事上民復謠云

云

云至正間

果復移回玉峰舊治

打碗花子開今搬州縣來

黃郎屋上走州來住不久

吳人爲太守謠

吳風錄自曹太守鬻物於民皆有鋪戶答應十
其入而一其酬在昔已有云之謠至今郡縣
刻剝鋪戶嘉靖十二年霸州王儀以御史來則
鋪戶一切革之

曹平分傳白奪

五代時湖州諺

西吳枝乘五代時江南多故獨吳興未嘗被兵

避亂者多家焉諺曰

全唐詩十二
函八作里諺

放爾生放爾命放爾湖州作百姓

全唐詩
作作做

吳興土人語

西吳枝乘逸文

據分類字錦卷六十

吳興槎頭魴爲海內

佳味東門外之葫荻與之齊名土人稱

云云

大頭菜小頭魚

閩人食品語

閩部疏鷓鴣斑而善啼可籠畜味美閩人爲之

語曰

山食鷓鴣麇海食馬鮫鮓

李實引諺釋入霑出霑

蜀語秋分後逢壬謂之入霑十日滿謂之出霑
霑謂雨多也逢壬十日內謂之霑天諺云

入霑有雨出霑晴

又引諺占霧

蜀語山頂霧曰山戴帽諺曰

云

凡霧在山巔

必有雨

霧溝晴霧山雨

羅旁猺謠二則

南越筆記

卷七

萬厯初兩廣寇之劇者曰羅旁猺

所向輕疾號爲五花賊其輦有九星巖一石竅
深二尺許搖輒吹之以號衆又有石其底空洞
撞之淵淵作鼓聲搖亦以爲號其謠曰云又
所居深山叢箐亂石易以走險其謠曰云其
大紺天馬諸山尤嶮峻陳璘嘗以馬不能鞍人
不能甲爲慮大征時勒兵二十萬部分十道凡
兩踰月乃蕩平

撞石鼓萬家爲我虜吹石角我兵齊宰剝
官有萬兵我有萬山兵來我去兵去我還

行旅爲倉振高芝歌

南越筆記

卷三十

宋延祐間有倉振者知新州夾

道植榕其後高芝復植松於是行旅歌之曰

倉榕高松手澤重重高松倉榕夾道陰濃

古謠諺卷三十終

古謠諺卷三十一

秀水杜文瀾輯

俗傳灩澦堆語

峽程記灩澦堆乃積石所成

樂府詩集卷八十六灩澦作淫預郭

氏茂倩云淫或作灩預或作澦

江心突兀而出水經所載白帝

城西有孤石冬月石出二十餘丈夏初沒世俗

相傳

云

是也

國史補及樂府詩集作行者歌北夢瑣言卷七作里俗云

猗覺寮雜記卷上作蜀人云

吳船錄卷下作

俗說 秭林伐山作瞿塘行舟謠 水經注江
水篇白帝山城水門之西江中有孤石名淫澦
石水冬出二十餘丈夏則沒亦有裁出焉江水

東近廣峽溪乃三峽之首也巴峽中有瞿塘黃龍二灘夏水回後沿汭所忌樂府詩集引十道志注豫石與城郭門外石潛通蜀人往燒火伏石則注湏邊沸又引國史補蜀之三峽最號峻急四月五月尤險北夢瑣言唐乾寧中劉昌美典夔州時屬夏潦峽漲湍險於是行旅輟楫而俟水平去焉

灩澦大如象瞿塘不敢上

猗覺寮雜記卷上無大字不敢作莫 秣林伐山敢作可

吳船錄俗說云云蓋非是也後人立碑辨之甚詳

灩澦大如馬瞿塘不可下

北夢瑣言大作小 猗覺寮雜記無大字不可作莫

灩澦大如牛瞿塘不可流

此條原本無據樂府卷八十六補 國史補及廣博物志

卷六流
作畱

灩澦大如鼉瞿塘行舟絕

此條并下條原本無據秬林伐山及廣博物志引治要補

灩澦大如龜瞿塘不可窺

灩澦大如服瞿塘不可觸

吳船錄服作撲猗覺寮雜記秬林伐山服作撲轉注

古音略卷四觸作卑

案此條原本亦無今據樂府詩

集補惟樂府係屬之梁簡文帝注灩澦歌下有金沙浮轉

多桂浦忌經過二句廣博物志屬之如牛句下升菴詩

話卷二引灩澦歌亦有金沙二句釋云此舟人商估刺

水行舟之歌樂府以爲梁簡文所作非也蜀江有瞿塘

之患桂江有桂浦之險故涉瞿塘則準灩澦涉桂浦則

準金沙今樂府桂浦作桂楫非也今考古人用謠詞入

詩甚多簡文詩上二句定係謠詞下二句乃所續之詩

楊氏謂全係行舟之歌未免臆斷廣博物志屬之如牛

下尤非况末句樂府正作桂浦楊氏謂作桂楫尤誤矣

衡山縣謠言

古謠諺

卷三十一

曼陀羅華閣

柳行錄出衡山縣住花藥山寺過陷池隱出山
腹泓澄可二十畝傳云昔有萬氏居此一日雷
雨全家淪陷遂爲此池故當時有謠言云萬
氏一家當之

當陷萬家

江水俗諺

入越記淳熙元年八月三十日步楓江上俗諺
云蓋甚言其水波惡實小溪耳聞春夏頗
湍悍今僅至脛而已

第一楊子江第二錢塘江第三楓江

金焦兩山諺

庚寅奏事錄金山龍游寺遶山臨水爲屋故諺

云云蓋實錄也方輿勝覽卷三金山下注引周洪道雜記云山在京口江

心上有龍游寺登妙高峯望焦山海門皆歷歷此山大江環繞每風四起勢欲飛動故南朝謂之浮玉山別有山島相傳爲郭璞墓大水不能沒下元水府亦在此諺云云

金山屋裏山焦山山裏屋周洪道雜記及駢字類編卷三十七引汪彥章金山龍游

寺記作金山山裏寺焦山寺裏山

范成大引蜀諺

吳船錄

卷下

至萬州邑里最爲蕭條又不及恭涪

蜀諺曰

益梓利夔最下忠涪恭萬尤卑

又引驗廬山晴雨俗語

吳船錄

卷下

廬山雖號九屏然其實不甚深山行

皆繞大峰之足遠望只一獨山也然比他山爲

最高雲繞山腹則雨雲翳山頂則晴俗云

廬山戴帽平地安竈廬山繫腰平地安橋

人爲蜀僧語

入蜀記

卷五

次公安再游二聖寺荊州絕無禪林

惟二聖而已然蜀僧出關必走江浙回者又自謂有得不復參叩故語云

下江者疾走如烟上江者鼻孔撩天徒勞他二佛打供了不見一僧坐禪

舞十般癩語

西湖志餘宋時吏部一胥好滑稽有董公邁參選失去官誥但存印紙遂投狀給據一日侍郎問其胥曰此事無礙否胥荅曰朝官大夫董公

古謠諺

卷三十一

曼陀羅華閣

邁失去官誥印紙在也不礙侍郎覺其謔侮杖
一百罷之蓋俗有舞十般癩云云如是凡十
首語言相類故應聲爲戲云

一般癩來一般癩渾身爛了肚皮在也不礙

渣城白水謠

滇程記白水驛達渣城有雞背關嶺白石堡安

籠箐凡六亭謠云云

云蓋滇路之險絕者南流

經募役長官司注於盤江

渣城白水半人半鬼

安南哈馬莊諺

滇行記自盤江舊城西南行十五里至哈馬莊
山路皆亂滑突難行驢馬至此多蹶傷諺所云
云者也

馬怕哈馬莊

諸葛洞諺

滇黔紀遊望城坡登其巔可望偏橋衛城故名
南里許卽諸葛洞相傳武侯征蠻鑿開運糧者
然非洞也乃兩山陡立中夾一溪後爲大水衝

兩崖巨石梗塞中流舟楫難行明黔撫郭子章
開通直達黃平旋復塞 國朝制軍卞三元復
濬通舟民稱便焉今復巨石壅斷卽如葉漁舫
不能行矣諺云 云 豈其然歟 云

若要此洞開除非諸葛來

黔中風雨語

滇黔紀遊龍洞田皆石底上惟寸土五日不雨
則苗枯槁世所謂 云 言黔中無五日不雨也 云

雨師豈真有所好哉良由彼蒼愛人之至惟恐

禾荒民饑故無五日不雨矣

下文另一則云大理有風花雪月四

景上關花下關風蒼山雪洱海月今花斬伐無種風則處處有之下關稍盛耳自九月起至次年五月無日不排山倒嶽破房揭瓦聲如嘶吼惟黎明少息辰刻復起過下關橋必下蓋整冠否則飛颺而去矣下關南望萬里壁立一水中通其曲折處卽風穴故雖晴和之日此處仍然大風不息語云云豈風雨果有所好哉蓋滇西瘴氣特甚有風則散亦上天愛人之至故生風穴於其間也

雨師好黔風伯好滇

下句原本無據另一則補

貴州里數諺

滇黔紀遊平彝里前朝平彝所屬境也過此十

里卽滇南勝景則雲南境中矣語云萬里雲南
自江甯至雲省實五千餘里耳然道里遼濶每
百里抵江南二百餘里諺曰云統而計之則
萬里豈虛耶

貴州沒天理十里當五里

瘴氣諺

粵述杜詩云五嶺皆炎熱宜人獨桂林以風高
無瘴也下至平樂梧州及左右江瘴氣彌盛早
起氤氲咫尺不相見非至已不見山也其瘴春

曰青草夏曰黃梅秋曰新禾冬曰黃茅又有曰
桂花菊花者四時不絕而春冬尤甚唐人諺云
云 滇閩皆有瘴然春盡乃發秋高而止未聞
貫四時也然特宜暖不宜寒寒則多病

青草黃茅瘴不死成和尚

按此條見於北夢瑣言惟無青草二字然彼不言諺
故置彼錄此

猺人爲猺女韞雲釵諺

赤雅

卷上

猺女握兵符者得冠偏髻之玉披紫鳳

之裘曳蝶綃之裙佩文犀之印望之若神人矣
何謂偏髻中以煖玉琢雙鳳頭握髮盤之北齊
禮服志八品女冠偏髻結與此略同鳳裘白州
綠含鳳毛所織色久逾鮮服之辟寒蝶綃冰蠶
所珥鮑氏廷博云織作鮑氏廷博云蝶紋輕逾
一本作成一本作以
火浣服之辟暑諺云云趨雪駿馬名也

鳳裘無冬蝶綃無夏趨雪無前鞞雲無價

白夷飲食諺

土夷考唐時南詔閣羅鳳徙白蠻戍此卽白夷

也城後爲羅羅蠻所據宋屬大理元始置州九
種志云白夷飲食凡草木無毒者六畜外鼠蛇
蛙蠅及飛生蟲皆瀹食之諺云

青青白夷菜動動白夷肉

三佛齊國舊港諺

瀛涯勝覽三佛齊西北濱海船入淡港入彭家
裏舍易小舟入港達其國土沃人稠地宜稼穡

諺云

云言收穫廣也

一季種田三季收稻

阿枝國節氣諺

瀛涯勝覽阿枝氣候熱如夏無霜雪春雨卽葺
舍儲具逮夏連雨市陌成河北屋不能出入至
七月始霽八月望後始晴至冬猶然三月又雨

諺云

云

者是也

半年有雨半年晴

尤氏侗外國竹枝詞
自注有雨作雨落

海南風土諺

海槎餘錄海南地多燠少寒木葉冬夏常青然
凋謝則寓於四時不似中州之有秋冬也天時

亦然四時晴冽則穿單衣陰晦則急添單衣幾

層

粵述晁錯曰揚粵之地多陰少陽李待制曰南方地卑而土薄故陽氣常泄地卑故陰氣

常盛陽氣泄故四時常花三冬不雪一歲之暑熱過中人居其間氣多上壅膚多汗出腠理不密蓋陽不反本而然陰氣盛故晨昏多霧春夏雨淫一歲之間蒸濕過半盛夏連雨即復淒寒衣服皆生白醭人多中濕肢體重倦多脚氣等疾蓋陰常盛而然陰陽之氣既偏而相搏故一日之內氣候屢變諺曰云

云又曰云云氣故然耳

諺曰云

云又曰云

云

四時皆是夏一雨便成秋

急脫急着勝如服藥

天下郡國利病書卷九十
五無如字卷一百如作似

日本五島諺

海錄圖東洋記日本倭奴之地與中國通貿易者惟長崎一島長崎與普陀東西對峙水程四十更廈門至長崎七十二更北風從五島門進南風從天堂門進對馬島坐向登州薩嶋島坐向溫台地產金銀銅漆器磁器紙箋花卉染印海產龍涎香鮫魚海參佳蔬等類薩嶋島山高巉巖溪深水寒故刀最利兼又產馬人壯健普陀往長崎雖東西正向直取而橫渡洋風浪巨險諺云

日本好貨五島難過

古謠諺卷三十一終